

[13] “Yesu Kristu Cimo Cine” (63-0604), par. E-42

[14] “Lengeni Uluubuto Lwenu Lubalike ku Cinso ca Bantu Bonse” (61-0903), par. E-51

[15] “Mulecetekela Ici” (50-0716), par. E-59

Ilibwe Ilyakukulilako Ilya Bumupashi No. 3

**Inkama Iya Capindama
Nomba Ukusokololwa
“Ubwinakristu bwaba Ukuikanya we
Mwine”**

Abena Galatia 6:14, “Lelo Lesa akanya ukuti kube ukutakisha kumbi, kano mu cimuti capindama cakwa Shikulwifwe Yesu Kristu, emo kuli ine icalo catanikilwa, naine ku calo nali tanikwako.”

Nomba, nga ifwe tulefwaya ukumona Wene, nga imwe mukatala ukwenekela ukumona Wene, imwe tamwakatale ukumona wene kuli bamo ukuilunda ku lukuta, limo ibuku lya mafunde ayo imwe musunga, ifisumino fimo ifyo imwe mubombela. **Imwe muli no kumona Wene ilyo mwafwa. Ilyo mwaisa ku Kalbale kabili mwaitanika mwebene, lyena muli no kumona Yesu.**

Muli no kusanga Yesu pa capindama ilyo mwatanikwa pamo Nankwe. Imwe teti musange Kristu mpaka ilyo mwafwa mwebene no kusumina Wene, Icebo, lyena mulasanga umweo.

Uwa cishinka uwa cine umusambi ali no ku muleta imwe mulya mwine fye mu Mulola wa kwa Kristu, kabili ukufuma palya Kristu kuti amilangisha ifyo imwe muli no kucita (Yohane 12:20-26).

Lelo Kristu ali baletete bena ku capindama. Kabili ilyo mwakwata umusambi uwa cine uyo uuli no kusontelela imwe kuli Kristu, Kristu ali no kuleta imwe ku capindama uko imwe mwatanikilwe pamo Nankwe (Abena Roma 6:6). Kabili Umweo Wakwe uwa Muyayaya no bumi

bwenu fila kumana capamo, kabili ubumi bwenu bulafwa, kabili imwe mulasenda Umweo Wakwe uwa Muyayaya, kabili **lyena muli umwana wakwa Lesa**. Amenii. Ifyo caba ubupusano ukufuma ku musambi uwa kale kabili no musambi uwelelo!

Kristu Umwine asontelele abantu kumfwa Yakwe kabili atile, “Kano fye uluseke lwa ngano lwaponena mu mushili, lulekala lweka.” (Yohane 12:24).

Ndi no ku misontelela ku cifulo uko nkaya tanikilwa pa mulandu wa imwe. Kabili mulya, nga imwe mwatanikwa pamo na Ine, kabili no kusenda icapindama cenu no kukonka Ine, muli no kwishiba ifyo Ine Naba (Mateo 16:24-25).

Owe, ifyo caba icapusana! Ee, mukwai. Ifyo cili capusana! Lelo ubumi bwenu no Bumi Bwakwe filasangana bumo no bubiye, te ku **lukuta**, te mu cikulwa, te mucisumino, te mu milimo iisuma, **lelo muli** (pa) **capindama apo imwe mutanikilwa pamo Nankwe** (Abena Galatia 6:14). **Palya epo musanga Kristu**. Imwe tamu musanga Wene pa kucita icisuma, ukupilibula ibula lipya, ukutendeka ubumi bupya, imwe tamusanga Kristu. **Imwe musanga fye Kristu kano fye mumfwa**, te mu mulimba, te mukuyebelela. Ukucetekela mufisumino fimo no tushimi, imwe tamusanga Kristu mulya. **Umubomfi uwa cine ala musenda imwe kuli Wene, kabili ena e Cebo**.

Mwatila, “Kanshi, Munyina Branham, nga Kristu ali pe sonde ilelo, **umubomfi wacine kuti amusenda ena kuli Wene, Kristu.**” Cisuma ali pano mu musango wa Cebo; kabili Cebo cileta umweo, pantu Ena e Cebo (Yohane 6:63). Kristu e Cebo. Ee, mukwai. Ena e Cebo Umwine. **Umubomfi uwacine lyonse alatwala imwe ku Cebo**.

Nomba, Ena e Cebo. Ena ni iyi Baibele ukulengwa iya mweo. **Kabili ilyo mwafwa kuli imwe mwebene pamo na Kristu ngo luseke lwa ngano, lyena Icebo cikala muli imwe**, cilaleta imicitile imo ine ngefyo Cena ca citile muli lulya ulwa mweo Uluseke lwa Ngano ulo ulwaponene mu mushili. Amenii. Muli abakumako mukubuka Kwakwe. **Imwe muli abakumako pamo Nankwe mu mapalo Yakwe yonse, muku monekela Kwekwe konse**. Imwe mwalikumako pamo Nankwe muli fyonse ifyo Ena acitile. [1]

Nomba nga imwe muli mwana mwaume no mwana mwanakashi wa kwa Lesa, lyena mwali muli Lesa pa kutendeka. Imwe muli mibele Yakwe. Nga imwe tamwali kulya lilya, lyena ta mwatalile ukubako atemwa tamwakatale ukubako (Yohane 17:6, 9-16).

Abana baume na bana banakashi bali muli Lesa pa kutendeka. Nomba lolekesheni. Imwe na mukwata Umweo wa Muyayaya, efyo

musosa. Twalicetekela cena, **ukutila natukwata Umweo wa Muyayaya (Yohane 5:24). Cisuma, kwaba fye umusango umo uwa Mweo wa Muyayaya, kabili ulya ni Lesa.** Cilya e cintu fye ceka icaba ica Muyayaya, ni Lesa. Kanshi nga na mukwata Umweo uwa Muyayaya, uyo Umweo uuli muli imwe lyonse wali, **kabili mwali mu musana wa kwa Lesa ilyo takulati kubeko ne sonde (Abena Efese 1:3-5).** Yesu Umwine aleitwa Icebo, kabili muli Yohane Washila 1 itila, “Mukutendeka mwali Cebo, kabili Cebo cali na Lesa, kabili Cebo ali ni Lesa. Kabili Cebo calengelwe ubuntunse no kwikala mukati kesu.” (Yohane 1:12; 14-18). **Lyena mwali mu musana wa kwa Yesu, kabili mwaile ku Kalbale pamo Nankwe. Mwa fwile pamo Nankwe, kabili mwabukile pamo Nankwe.** Kabili ilelo natwikala mu ncende sha mu Myulu muli Wene (Abena Efese 2:6-7), aba isushiwa na Mupashi Wakwe, abana baume nabana banakashishi ba kwa Lesa. Ukufwa pamo Nankwe, ukubuka pamo Nankwe! Mucine. [2]

Mu matontontokanyo ya kwa Lesa umwine; Lesa, Umupashi uukalamba. Mukutendeka, ilyo takulaba ukutendeka, **Ena ali ni Lesa, kabili bushe mwalishiba ukutila mwali muli Wene lilya? Nga muli Mwinakristu nomba, mwali muli Wene lilya.**

Kabili lyena, nge ci cili ifi, **onse umutwe wa Bulesa mu mubili wapangilwe mu Buntu bwakwa Yesu Kristu (Abena Kolose 2:9-10).** Kabili lyena ilyo Yesu afwile pa capindama, nafwile pamo Nankwe, pantu nali muli Wene lilya; pantu Ena ali umwisulo wa Cebo, **ukumonekela, ukwishiba ukutila twali no kwisa monekela pantanshi. Kabili twali pa Kalbale na Wene.** Twaile mu nshishi pamo Nankwe. Kabili twabukile pamo Nankwe no kubuka Kwakwe (Abena Roma 6:3-5). Kabili nomba ifwe natunina, ku Mupashi Wakwe, ku cipuna ca Bufumu ca kusenamina, ukwikala pamo mu ncende sha mu Myulu muli KristuYesu. Lyonse!

Pantu nge fyo akashishi ka bumi bwa cifyalilwa ka kaletwa, ukuletwa ku mweo ukufuma kuli wishu ukuya kuli wishu, ukuya kuli wishu, ukuya kuli wishu, efyo no Bumi bwakwa Kristu buletwa ku mweo. Ulya e mulandu wine Lesa abomfya Umupashi uwa kwa Eliya imiku iyalekana lekana isano. Cena ni cinshi? Kupeleshanya.

Nge fyo ubumi bwenu ubwa cifyalilwa kabili ne mibele fipelwa ukufuma ku bufyashi bwaba shinwe, efyo no Mupashi wa kwa Lesa, uyo uwalingilwe libela ilyo umufula we sonde taulalengwa. **Kabili ilyo Icebo cakwa Lesa conse, mukupwililika, capelwe mu mubili wa buntu uwaleitwa Yesu Kristu, mulya anengele ine ukulipila imembu shandi, muli Wene kulya.** Kanshi ena ali mbushishe, abushishe ine pamo na Wene,

mukubuka. Kabili nomba natwikala pamo Nankwe, **namaka no lupaka pali ciwa uuli onse** (*Abena Efese 1:15-23*). Owe, nga kuti mwacetekela fye ifyo Lesa apela! Lelo nga tamwikele kulya, imwe tamukwete cena. Kabili nga imwe namwikala kulya, kabili tamule cetekela cena, no kumfwa umwenso ukusela, imwe tamwakatale ukubomfya cena. **Lelo nga imwe namwikala kulya, imwe muli no kubomfya cena, pantu imwe mwalisontwa ukucita ico mucita.** [3]

Ibukisheni fye, ilyo mwali mumusana waba shinwe, imwe mwali pamo nabena lilya. Lelo bashinwe tabamishibe bena lilya kabili imwe ta mwabeshibe ba shinwe. Kabili mwalishile no kufyalwa. Lesa apangile inshila ukupitila muli banyinenwe, ku luputa ulwa mbuto, kabili lwena lwalishile. Kabili lyena mwaishileba umwaume atemwa umwanakashi, conse ifyo cali, kabili lyena mwaishile ishiba bashinwe, kabili bashinwe kuti bakwata isenge na imwe.

Nomba, ibukisheni, nga namukwata Umweo wa Muyayaya, Umweo wenu wali muli Lesa pa kutendeka. Kabili, **Umweo, Lesa e Cebo**. Kabili lyena ilyo Icebo calengelwe mu mubili muli Yesu Kristu, **Lesa ukwika ku kwikala mu mubili Wakwe Umwine** (*Abena Filipi 2:5-8*), **ailengele Umwine Umwana wa kwa Lesa. Ilyo aishile ikala no kwikala muli cilya, imwe mwali muli Wene ilyo Ena atanikwe**. Kabili imwe mwatanikwe pamo Nankwe, kabili mwalifwile pamo Nankwe pa Kalbale. Mwashikilwe pamo Nankwe, pa lupili. Kabili mwabukile pamo Nankwe, ulucelo pe Pasaka. Kabili nomba imwe na mwikala capamo mu ncende sha mu Myulu, muli Wene, **kabili nomba na mukwata isenge pamo Nankwe**. Mwamona?

Lesa Umwine aishileba umo uwa muli ifwe. “Takuli umuntu uwamona Tata, inshita ili yonse, Uwafyalwa eka uwa kwa (Mwana) Tata namulangisha wene.” (*Yohane 1:14-18*). **Cilya cili, Lesa aishileba umuntu, pakutila Ena enga kwata isenge naimwe ngo muntu** (*1 Timoti 3:16*). Mwamona? Kabili nomba imwe muli umubili, kabili ena ali umubili. Lesa alengwa umubili mukati kesu, mu Buntu bwa Mwana Wakwe, Yesu Kristu. Kabili muli wene mwali Lesa. **Ena ali ni Lesa, tapali ico abulishe ukuba Lesa. Ena ali Lesa. “Lesa amonekele mu Mwana, Yesu Kristu,”** ica mulengele Wene Immanuel, nge fyo kasesema asosele Ena akaba (*Mateo1:21-23*).

Imwe mulingile ukwisa...umusango uo Yesu aishile, ukupitila mukuitula mwe bene; ukupela fyonse mwaba kuli Lesa, no kwenda ku Kalbale no ku tanikwa pamo Nankwe. No kubuka nakabili, uku fwala ilaya Lyakwe ilye lambo no kufwa ku fintu ifya mwisonde. [5]

Kabili uwa tetekela onse uyo uwisa kuli Kristu alingile ukwisa ku capindama cimo cine ica kuikanya umwine (*Luka 9:23*), **no kufwa kulya no mwana wa Mpanga, no mwana wa Mpaanga wakwe.** Ukufwa ku matontonkanyo yenu mwebene; ukufwa ku matontonkanyo ya mano yenu mwebene! **Sendeni fye ifyo Mupashi wa Mushilo asosa mu mutima wenu, lyena ikalileni Kristu!** [6]

Mwe fibusa, nshilefwaya ukusosa ifi mu kwebaula, **lelo twalifilwa ukubomba ubutantiko ubo Kristu atutumine ifwe ukucita.** Mwamona? Ena atile, “Kabiyeni pe sonde ponse no kushimikila Imbila nsuma.” Nomba, ena tasosele kakuleni ama sukulu. Ena tasosele kuleni ama calici. Icili, fyonse fili fye bwino. Lelo natubika inshita yesu yonse ukukula amasukulu na macalici ne filonganino, ifyo ifyabomba iciputulwa. Lelo filya te fyo Ena asosele. **“Shimikileni Imbila nsuma,** kabili ifi ifishibilo fikakonka abo abacetekela.” Mu mashiwi yambi, ukushimikila Imbila nsuma cikaba **ukulangisha amaka aya Mupashi wa Mushilo** (*Marko 16:15-18*). Kabili palya epo ifwe twafilwa.

Ulukuta lufwaikwa, ilelo, te cintu cimo icanakuka icasankanishiwa, icanakuka no kukana kwata amaka nge fyo ulukuta lwaba, uku kwata fye uku yebelela, no kubatishiwa, kabili iwe uli Mwinakristu. **Ukuba Umwinakristu kuikanya mwebene. “Ikanyeni mwebene! Sendeni ica pindama cenu! Nkonkeni cila bushiku!”** (*Luka 14:25-35*). Lelo cili ica nakuka nganshi, kabili abantu baita abene Abenakristu. Ilyo, calepilibula imfwa, ukulumbula Kristu, kabili imwe mwali no kushintilila pali wene cila bushiku pa fintu fyonse mwalekabilapo. [7]

Kabili ifyo abantu baingila mu fyasankanishiwa, ilelo, ukutula, ukutontonkanya ukutula, ukutula Ubwinakristu bwaba cimo pa fintu ifyanakuka nganshi. Fyonse efyo bacita kubika amashina yabo pe buku, no ku kwata umuntu umo ukubasansa bena, atemwa icintu cimo cimbi, no kupela kapyunga ukuboko kwa kulyo kwesenge. Kabili cilya fye ceka e cabako kuli cena. Kabiyeni kunse. **Bulya te Bwinakristu.**

Ubwinakristu ukuikanya mwebene (*Luka 9:23*). **“Sendeni icapindama cenu cila bushiku! Konkeni Wene”** (*Mateo 16:24-25*). Mufwe, ku fintu ifya mwisonde! Ilyo ukwebaula konse kwapwa, **“Takwaba nomba ukusekwa kuli abo abali muli Kristu Yesu.”**

(Abena Roma 8:1-2). Musangonshi mwingila muli Wene? Mu kuilunda? Iyo. Ukuposhanya mu minwe? Iyo. Mukuilunda? Ku masambililo? “**Ku Mupashi umo ifwe bonse twalibatishiwa mu Mubili umo (1 Abena Korinti 12:13). Ku lubatisho lwa Mupashi wa Mushilo ifwe tuli muli Kristu.**” Kabili takwaba ukusekwa kubali muli Kristu Yesu, abashendela umwalola umubili, **lelo umwalola Umupashi.** Amenii. Owe, cilya, kuti calenga uuli onse ukubilikisha. Amenii. [8]

Umwakumona:

- [1] “Mukwai Tulefwaya Ukumona Yesu” (61-1224), pg. 15, 17, 22
- [2] “Amaka Yakwa Lesa Ayasangula” (65-0911), par. 232-234
- [3] “Umulungu Uwa Ino Nshita Ibifi” (65-0801M), par. 67-69
- [4] “Icilaka” (65-0919), par. 194-196
- [5] “Ifintu Ifili No Kubako” (65-1205), par. 109-110
- [6] “Kristu” (55-0221), par. E-17
- [7] “Uwacila Solomoni Ali Pano” (63-0605), par. 37-38
- [8] “Mwitina” (63-0607), par. 105-106